

五

內編

第六冊

淡江大學圖書館

甌海集內編

先生八十壽

贈敘壽敘

海

不飲

甌海集內編卷第五目錄

贈敘

送周天民北游敘 火文璣

送張道人游七閩敘 同前

壽敘 黃祺字先生

壽襟字先生七十敘 何白

徐菴生先生六十壽敘 林羅

張太夫人八旬晉六壽敘 孫衣言

王雲仲先生六十雙壽敘 孫鏞鳴

陳雲樓先生六十壽敘 同前

洪叶石先生六十壽敘 同前

陳香亭先生八十壽敘 同前



瑞安楊德輝

葉收引先生七十壽敘同前

胡雨時先生六十壽敘同前

韓叢生先生七十壽敘同前

湯太恭人八十壽敘同前

許太宜人七十壽敘同前

韓叢生先生六十壽敘黃體芳

張太孺人八十壽敘同前

潘太恭人七十壽敘胡珩

張太孺人七十壽敘蔡慶恆

胡珍堂先生六十壽敘林夢耕

項太恭人八十壽敘孫詒讓

張廣雅尚書六十壽敘同前

袁鐵梅先生七十壽敘同前

胡芳谷夫婦六十壽敘同前

廣雅尚書制府六十壽敘黃紹箕

孫藥田先生七十壽敘黃紹第

鄭母木太孺人六十壽敘金晦

黃太孺七十壽敘同前

送周天民北游敘

史文璣青華集

橫陽周覺天民問於同郡史伯璿文璣曰先生讀聖賢之書明當世之務而隱居
養親不求聞達豈口於是而沽高尚之名邪抑以獨善為樂無干祿之志耶然終
身環堵之中無四方同覽之富恐所見不逮所聞奈何史文璣曰士固有志不可以
律齊也我家無應門之童有垂白之母才不逮人而齒復哀暮故不得以老朽之
樞倖其所難必於外耳幼學壯行法不知是也如天民撫壯年值盛世固宜朝馳
而夕玄圃叫閶闔之而呈琅玕期以行子之志可也以高尚為名國非子之志而

軀倖命

素

契於獨善又孰若措諸事業之為可樂雖然吾聞諸人朋友之道以柔佞為損
以直諒為益我與其諷子以溢美之談不若忠以求益之道古之有志於四方

者固將行其所已知亦未嘗不求其未知也子之忠信高遠矣然天下之大古今之
人事物物容有未盡蓋知者乎不以子而素已知者為足尤以求所未知者自勉
將見游覽之益廣見聞之益富而充積之益深也異日推以用世事業豈有量

事理

我善矣若幸猶未死及見子之得志而歸也父將叩子以所聞口其所未見子亦
推其有益者以益我願不愈歟天民喜而作同是吾志也先生知之幸遂以贈我
故事

送張道人游七閩序 同前

吾嘗節大傳中庸之書而究夫道統之為義矣蓋自氣化流行言則道乃一陰
一陽之謂自人物所共由者言則道乃率性之謂此外無他道也必明乎此而
無所疑然後謂之知道必由于此而無所失然後謂之得道自羲農以至孔孟
由此其選也秦漢以來乃有以道名其教者則老莊靈無之說其本源也安期
羨門延門羊度世之術其流派也張道凌寇謙之符呪禱祠之為其支流也統
而言之果皆所謂道與善乎昌黎韓子之言曰其所謂道道其所道非吾之所謂
也審如是則可以忘言矣鄉有張先生者自少以慕道稱中年將棄家遠游為
求道之學一旦異其冠服告別於常所與游者以往閩而徵言於予予因叩其
謂道者為何據則於靈無之說延年度世之術符呪禱祠之為概乎未得
為深造也夫甘愛和白受來閩之建安紫陽夫子講道之闕里也張生未
有先入之說以格其心焉能知其所慕而求者非吾所謂道耶張生

道

字孟凱謹惠慈善素為鄉人所稱吾固知其所行之非妄也於是手書

壽徵君黃襟字先生七十敘

何白永嘉黃氏藏其蹟

令上御曆之日久薄海內外疆圉又安東甌孤懸大鹵化墜遐荒
蓋夫不離箠弓不解藥者垂七十年而安固南連橫陽東接甌郡
山水清華風氣名淑詩書禮樂家誦戶絃原濕膏腴民物阜殷霞
窓雲厂鷄犬桑麻則居然海上一奧區也而襟宇黃翁為安固著
姓生邁重熙之會超然溫蘊之外而忘乎夷險榮辱之境蠟履標
幽揚鈴選勝山擷芝木水寒金膏豈非聖世之逸人而浚谷之道
哲哉是歲端陽後五日為翁攬揆辰而翁春秋已七十矣容有吳
君漱潤及翁壻余君子徵僉謀春鞫奏觴為翁壽乃問序於予予
曰夫壽也者非以永年之謂也夫德不內修則千里言違反唇勃
磔六鑿相攘芥夫以年辱者也奚其壽榆杪餘景握筴持籌矧砢
泉刀乃為所不知之人是計芥夫以年役者也奚其壽弁髦經術

枚指詞華值禮法則改轍而趨對墨卿則瞪目喜視莽夫以平推
者也奚其壽之數數者固君子所不行也曾是以為壽乎容曰黃
翁少負異質其先人月泉先生雅好儒術廣致師友俾翁日與遊
文益有聲尋巨長兄蚤世業不復售於是輒棄去翁外綜家東內
修孝養晨上堂問寒燠具膳膳進已著務得尊人歡退而後食春
秋佳日引羣從子姓擊蠡為高會寧為馮古不為彌綈認認焉以
言懿行為訓迪一門雍穆整若朝典則翁以孝友聞請以是為翁
壽容復進曰翁中歲旁落用以籌著起家故能以儉致豐以約致
美宗黨姻戚以急救者翁應之若轉圜甫及艾輒太環務析析焉
風泉雲壑之娛冥心天際翁雖泊焉榮利乎而羨聲益著里中更
恃為外府則翁以義行聞請以是為公壽容復進曰翁少以博士
家言左於時乃盡發于史百氏言雅諷誦之而於六義四始之學

尤所究心上溯漢魏六代下沿三唐無不饜飲議擬以極其變所
著成帙題曰撚髭禪欲焉若朽日就聲相與揚花較工拙於隻字
間務隱而後已閒挈名流勝士攜尊流魁名勝邃洞懸崖品題遍
則翁以風雅聞請以是為翁壽翁予聞之瞿然曰有是哉則翁之
所以自壽者矣竦於予言蓋天壤間所稱最壽者則莫明德若也
則英文辭若也歷千百禩而擘焉若新然德之為經匪文無以緯
之也翁既以撚髭名稿當其撚髭之際役思象外鉤玄於物表乃
以尻輪神馬以御之揮斥塊坳宮商衆籟渴則吸沆瀣以為漿餼
則組雲霞以為屑根之身心發於蒼菴莫不霽然仁人孝子之言
也是則翁之榮問無窮長年其有既乎乃翁身際休明之運沐浴
清化若子若孫以及情壻蔚為佳士所謂不三旌而生貴不萬戶
而素封鼓腹行以鳴國家之盛謂之東南大瑞可也七襄足為

翁壽即於是容容奕然若有得遂載其言以爲餽爵侑萬曆歲金
己未夏五月吉旦丹邱生何白頓首拜撰并書

此乃楷刪

徐菴生先生六十壽序 林鷄·傳錄本

士君子生長叔季慨想黃農每謂古道日滿江河漸下由天地元
氣日薄生人亦罔或克壽此有激之談非通論也蒙則謂天下一
日無太古則乾坤息斯民一日無三代則人類息自郡縣天下地
廣民稠皇風不能遍逮往往縣自爲俗家自爲風必有提然特立
不移於習者振爲法家以矜式鄉里此即乾坤元氣所泊天亦特
壽其人以留民望此吾所爲於吾友徐君菴生獨有厚期也菴生
結廬周恭叔浮址其先以白民起家託業布帛千指合餐孝友信
讓樂善好施菴生繼以文學上治祖禰旁治昆弟於爲永嘉望族
少應制科與吾相識於吳山郊館無以窺其蘊晚歲承乏中山始
獲歸交乃歎故鄉有芳艸而盲索諸江湖也菴生古貌古心深自
韜晦舉國徵逐之場避焉若浼不肯見邑大夫而公義所在必至

遂旅

揮金不惜及事畢紀功則謝不與性嗜琴就盧馮蔚霞先生著譜
永其傳不輕授人獨以授先生文孫蘭生蘭生孝友風雅於君蓋
有同調而二君獨諱諱以指法與理畀余似以為猶可與言者余
甚感焉歲丁卯五月莖生六十生辰蘭生與諸徐子弟將為之慶
乞言於余余老矣衰朽廢學何足以壽君且君固善醫慎不輕試
而能攝生康強無異少壯壽其所自有固無待於祝余則特以所
期於君者遂且大願君德與時進晚節彌馨他日高年碩望為後
生式庶復士風於宋明之舊也爰勉為之序

張太夫人八旬晉六壽序

孫永言。傳錄本

洪惟聖清受彝膺圖重熙累洽綿歷年所二百餘期徒以承平日
久地大物博駘駘狼莠雜芽其間若夫窮海狡夷走利若鷺負固
自外豕突豺嗥於是乎命鉞出師攬戾執猛則必有熊羆之士不
二心之臣左右提挈為國爪牙而後離明耀乎區區威稜抗乎殊
俗滌瑕盪穢同我太平中興之業魏乎煥焉然而有九熊之母柳
仲野乃以文學稱有封鮮之母陶士行乃以勛名著自昔名臣碩
彥上稽史籍旁睨丹青揆厥所繇其來有自歲在昭陽協洽余月
為張太夫人八十有六設悅之辰維時奎垣軍門來鎮吾溫其哲
弟美卿都督侍養於羊城里□□□九斗以開牙望五雲而馳
思一時賓朋僚屬思所以第夫歡譔嘉誦為太夫人壽以紓軍門
孺慕之私者而獨其言於衣言不揣固陋竊因軍門之所樹立用

徵太夫人之教等乎惟太夫人習禮明詩念儀令德以閔達之華
 曾頌孝友之名門其歸戎贈建威公也堂有孀姑家僅中產贈公
 橐筆備書負米百里太夫人婦以代子色養蒸蒸孟筍江魚方茲
 未建戢而贈公以失怙哀毀歸真道山太夫人靡并志烈畫荻神
 劬為軍門兄弟四人擇師嚴謀機聲燈影達旦煢然茹檠飲水門
 戶以立其時邊警頻聞兵事日棘太夫人以為男兒報國不藉毛
 錐江海用師宜精水戰乃詔軍門游歷日南各國練習風濤出入
 溱霧熟知諸夷土地風氣物類民俗兵陣船礮之狀得其要領遂
 乃景思內昭英風外發幡然技筆是用請纓虎豹韜嫻得黃石素
 書之秘棘棠花發盡雲臺烟閣之英翼偶折夫雁行氣彌鼓於鯨
 穴咸豐戊午蹂浙王愨烈公知軍門才命領舟師綜釐營務龍驤
 鳳舉武義瓏璜連復臨安桐廬富陽分水新城各縣迨左侯相之

統兵來援也軍門率其巨艦飛艦銜尾相望受事帳下電激霆砰
 連復甯波紹興兩府城及慈溪奉化蕭山餘姚各縣用能馳掃將
 氛千里安堵捷書達於甘泉褒律榮及三世恩至渥焉秩益崇焉
 巨寇既盪伏莽未消留鎮浙洋者數年垂天之畢竟壘之果鮫鯨
 潛踪無俾遺育先後歷定海衢州各鎮總兵賞已圖魯勇號蠢莽
 倭寇窺我臺澎軍門復被朝命移師東渡借橫海之威名為防秋
 之都護鹿耳銀身之域履險而夷射生飲血之番依漢如父卒使
 螳臂自摧狼烟遽息由是開山通道置縣設官軍門鎮撫有方恩
 威兼濟襄鱗介以冠裳化狂獠而俎豆事定上聞天子嘉焉以提
 督記名簡放賞穿黃馬褂尤異數也繼調福甯總鎮旋署浙江提
 督兼統水陸防營事務東南鎖鑰之寄九重倚畀之專嚴翼之操
 台符于方名謀若之盛亞然于范韓凡茲麟閣之崇勲志本讓堂

之風訓而太夫於前歲由甬東旋粵挈美鄉都督侍行俾軍門
 得以專心官事節樓鼓角備極祿養之榮錦里田園共話家風之
 舊又復設募塾聘名儒里黨族姻悉命入學惠問日流聞範益移
 宜乎蔓齡駢福前輝後光弱冠文孫巍科早擬泥金之報在指顧
 間從此麟象鳳師翔集德門太夫人喜可知已衣言馳驅江介目
 擊時艱謝事里居四更寒暑顧開軍門聲績舊矣邇者福星移莅
 咫尺鈴轅盛事適逢忝廁賓未重以麾下諸君之謏誣烏能已於
 一言閔宮之詩曰至於海邦淮夷來同莫不率從魯侯之功其卒
 章曰魯侯燕喜令妻壽母既多受祉黃髮兒齒詩人美魯侯上及
 壽母蓋亦推本之深意非徒歸美之虛文也令軍門盪寇靖邊之
 烈同軌魯侯則竊取詩義樂成功而昭錫慶視魯奚斯又敢多讓
 乎哉

王雲仲先生六十雙壽序

孫錫鳴傳錄本

丙子歲余以省兄為金陵鄂渚之遊閱四載而歸日坐紫藤陰下
 知交落落歎如也適故友雲西之弟雲仲來晤詢之則舊相知出
 其手著之悠然閣吟州井所藏雲西畫冊示余雲西善篆隸畫山
 水蘭竹皆蒼勁有奇氣年未中壽遽為古人今見雲仲如見雲西
 也雲仲之詩亦清婉有致多可誦者而其人沖和夷淡尤過雲西
 余益其為人歎君少年頗嗜學儲為大有用才迨遊庠後迫於境
 乃以制藝授徒及門之受君衣鉢蜚聲於學序者指不勝屈是君
 之學有裨實用也於此足見一斑君配胡孺人與君齊年日以弄
 孫自娛里人咸謂有逸少風今子若孫各六人或讀或賈位置得
 宜中亦有頭角呼噪為他日威鳳祥麟者非在君義方之訓胡孺
 人內助之賢者所能若是乎明年正月為君夫婦周甲之辰乃持

所為自壽詩索^本且命為侑壽之文余長君甫六歲而衰若此其將何以壽君然我觀深山之龜鶴其與虎豹爭爪牙之利懸矣而弓鴛宜梁不能盡也幽巖之松柏其與桃李爭艷冶之容縣矣而水霜霰雪不能蓄也無他天全則神全神全則形全矣令雲仲蓬戶桑樞授徒見志儵然於名利之外王霸蓬頭之子對容無怍梁鴻推髻之妻相敬如賓其視人世之爭攘汗濁曾不足供其一眄豈非其天全哉余思古之松喬彭聃長生久視豈真有爐火乘之異術哉夫亦守冲虛寡嗜慾以全其天耳然則君之壽又烏得而量諸

陳雲棲先生六十壽序

孫鏞鳴傳錄本

生日稱觴之禮古之人未有聞也然詩三百篇凡人情相愛說燕飲贈答則恒有黃耆眉壽稱頌無已之辭願必為之推壽所由致南山言德音是茂蓂蕭言其德不爽皆是也而魯人之頌僖公乃特詳其隆學校以興文嚴廟祀以教敬而後申之以黃髮給背萬有千歲又若渾言其德不若實指其功之非徒虛美云者豈非功德足以及人自有得壽之理且壽必若詩所云迺可貴哉今於吾友雲棲陳君見之矣君自少苦志力學斐聲庠序八上秋闈屢荐不售會匪平以鄉團保境功由廩貢生議敘訓導署桐廬縣學教教諭回籍授徒從遊日衆甲申歲主講龍湖書院邑之官師重其品學遇公事必就君商權利害壹意委任而君亦見義勇為不辭勞瘁平邑溺女之俗南北兩港尤甚君偕黃春堃楊芷庭諸君子

創育嬰堂於城南復設分局於北港籌款接濟奎活頗光緒四年
社倉積穀令下君總理其鄉之事新陳出入輿論翕然龍湖書院
歲久漸廢邑侯余公命君收復舊產經理逾年規模始宋文廟祭
器殘闕尤甚君以公款羨餘親赴吳門購辦唯謹至令春秋丁祭
笙磬羽籥聲容咸備邑人於是觀禮樂焉先是會匪之起江南鄉
尤逼寇巢君從楊公翠溪為畫江而守之策賊平楊公以勞卒君
率其鄉人建專祠於儀山祀公并闢旁舍為義塾即今之親仁社
學也復立倉聖祠於山麓置惜字壚令邑侯湯公尤有志於興學
推廣義塾之法於各鄉每與君規畫以求盡善坡南宋元時有塔
圮久矣通形家言者謂有神文風當復費錄而工鉅募捐興築湯
公一以任君閱兩寒暑而事成此皆其功德有以及人學肇大者
蓋君以公事與邑有司相接也絕不為奔競干謁之私處寮友間

剛正自守而又和藹可親故上下信從事無不集而予尤喜君之
隆學校嚴廟祀其意尤與魯侯相近鼓乘時得位其所就必不止
此今年正月為君六旬大慶君之哲嗣錫琛好學能文士也來乞
文以為侑觴之助乃竊取魯頌詩人之義以壽君而南山之詩所
謂德音不已者尤願為君共相策勵有進無止庶於古人相愛說
之義更有當乎是為序

洪叶臣先生六十壽序

孫錫鳴傳錄本

從來備福之徵富而壽貴而賢尚矣而一二膏粱之家往往席先業託門蔭以震耀里閭驕奢蕩佚不自檢束或以廢墜其先業夷毀其門蔭者晒之則甚矣知福之寡而惜福之難也獨余戚洪君叶臣則不然君固鄉達贈中憲大夫敎堂先生之叔子余表弟項君栗亭其東床選也余女舅蓮傭周君其賢宅相也通家世姻於余尊屬顧以年齒相上下同遊曹秋槎陳琢如兩先生之門折輩行與交忘形骸畧儀節歲時過從談笑風生縷述家世歷數生平故知君特許君少以名家子童試冠其曹擢高等食餼援例為校官時中憲公方官於豫政聲鵲起君奉尊堂蔣太恭人往侍敬上慈下寅屬交權迨公以勞悴卒於官次君與難弟蕤村二尹襄大事備禮無失間闕數千里扶柩回籍閉門讀禮等太恭人以孝稱

內外無間言仲兒筠谷早卒寡嫂端未宜人青西太鶴先生之長
女知書習禮君事之尤嚴命長君湘漁為之嗣并以己所得封馳
馬君嘗兩試武林一試京兆不獲售以年資授臨安學博持躬以
敬課士以禮上游器之以疾乞歸里居數年再起為遂安司訓持
躬課士一如其臨安時浙西遭兵燹後戶口凋敝書籍散佚君思
一振興之權不屬無當也秋風乍起慨焉作昧計優游里第余得
以長侍杖履君故豐於姿辨於口同人廣坐論說謔起得君一語
怡然處分事物井井有條治煩理劇智計過人吾邑前值寇警君
主國政及歲荒歎君司賑務他如建父廟興嬰堂復羨渡諸善舉
罔不身先倡率傾囊無吝先後大令為上其事於當道賞戴翎枝
晉秩五品恩寵優渥君處之澹如也行年六十神明爛然門內偕
莊白髮相敬哲嗣博御茂材溫文爾雅望而知為績學士餘于英

義

英諸孫巖巖謝家風月何以過茲今歲三月上已後三日為君攬
揆之辰粟亭遂備走屬序於余余自官將倦昧舊日知交凋零知
交晨星舊雨念之撫然獨君與余猶得以春秋佳日相與把酒讌
游俯仰古今流連文酒無異於昔君固備福者知福惜福宜其得
天之優余幸未衰萬蘿之施亦叨喬松之蔭於靡涯也其曷敢以
不文辭是為序

茲

陳香泉先生八十壽序

孫錫鳴傳錄本

國家承平歲久武備弛不講姦軌乘虛萌孽嘯聚蓄謀待時發州
邑官吏噤弗敢詰志日深而鄉里雄俊之士獨訟言誅之傾家出
奇計犁其巢穴功雖不立就而姦黨氣奪沮喪計無所復施不暇
合聲勢揮萬全倉猝搗竿起赴報敗此其功豈在保境安民下哉
咸豐十一年金錢會匪起平陽陳君香泉家林垵林垵瑞安江以
南一都會也一閩之市其北轄諸瑞其南則轄諸平君被牒團其
鄉之民以隸瑞賊不利焉遂噬其黨數千人以來燬君之居以去
君訴之巡道以下官皆不省時余奉朝旨治團練為言之甚力亦
不省君乃自募台勇舡由海道往進薄錢倉江出不意磐之焚其
巢賊登山麾旗鳴鼓集眾眾不應始大懼無固志當是時官誠發
一旅繼之則烏獸散矣卒以我兵無後繼而退賊復張遂不及謀

定急舉事直犯郡城不得飽掠遽去已而閔脚必至賊盡滅當賊
之未發日夜為逆謀甚秘官吏爭為諱飾俯首濡忍幸旦夕無事
而君獨正其為賊豈非壯哉事平君以督圍助剿功當得勇爵辭
不受今年二月與余遇於平陽年已八十矣鬚眉皓白儀觀甚偉
飛揚精神之氣猶昔日也戚友謀所以為君壽者乞余一言以侑
爵余婦家與君有連素知君敦內行兩兄早歿立嗣撫孤慈愛備
至道光初元六都門廢出千金復之咸豐間年屢役出粟平糶
民不以饑平邑校士館復捐千金成之善行翩翩不一而足是因
得壽之本矣而今謂君先發賊謀尤有功於鄉邑其食報正未
已也顧余觀六國時廉頗在魏趙數困於秦趙王使使視廉頗頗
亦欲用趙人為之一飯斗粟披甲上馬以示可用漢先零之役趙
充國請行上老之使問誰可將者充國對曰無踰於老臣者矣兩

將軍皆年八九十而壯志如此顧一則困於耶開之讒而趙終不
競一則遇夫漢宣之明而名垂竹帛君少以騎射進老而矍鑠知
兵視兩將軍實多讓則世之所以用君者未至也而要之君之功
在鄉里則已偉矣天之報以康彊純固子孫蕃行秀異又安有量
哉然則余之所以為君壽者君當聞余言而欣然為之進一觴也

葉牧川先生七十壽序

孫錫鳴傳錄本

余少時墻於城北葉氏時外舅同氣存者三人牧川先生故居季
余每過先生見其豈弟樂易近人持家和事兄敬待子姓嚴而有
恩與人文溫厚誠實無它腸雖居闕閭運籌筭而守信循理貴誼
賤利未有毫髮恃智力飾變詐以求贏得故邑中呼稱盛德長者
咸以先生為矧今歲二月為先生七十壽辰賓朋以餅鳴與先生
有連習於先生之內行乞一言以為侑爵之助其敢辭窈聞古之
君子以禮侍飲於尊者恒奉觴介壽致歡慶也介壽必有詞所以
原茂休鋪信景樂也詞多散見於三百篇其在行葦之詩曰敷彼
行役牛羊勿踐履方芑方體維葉泥泥敷敷然道旁之葦易踐履
折傷者也而愛之勿踐履忠厚之至也愛物猶如此而況於人乎
其次章曰戚戚兄弟莫遠具通或肆之筵或授之几言君子與族

推

歸

人燕無遠無近內相親也於是乎燔炙醴醢以饗之歌射弓矢以樂之故其詞曰醴醢以薦或燔或炙嘉穀脾臑或歌或嘏又曰曾孫維言酒醴維醕酌以大斗以祈黃耆而即終之曰黃耆台背以引以翼壽考維祺以介景福引長也翼相佐助也引而不已翼而多壽福之所以大也既醉之詩曰既醉以酒既飽以德君子萬年介爾景福德之及人志氣餒滿此之謂飽德萬年之壽頌禱之極詞也其次章曰君子萬年介爾昭明昭明有馳高朗令終言君子有光明之德故有高明之譽既壽矣又有令名非昭明之君子而孰有之也又曰其告維何籩豆靜嘉朋友攸攝攝以威儀籩豆之薦水土之和氣也不敢用常褻味而貴多品禮大者物博也君子樂其發也而著之曰靜嘉則精緻之至稱其德矣朋友相佐助為威儀之事是誠誠其身順其親以信乎朋友者而即終之曰其類

維何室家之壺君子萬年永錫祚允壺廣也容也廣大以示恩密綴以立義恩義備至故上以推錫類之孝下以貽孫子之祚萬年之壽壽以此也令先生以古稀之年為葉氏祭酒其豈弟和易之德與年俱至宜其康彊純固子孫逢吉於以承餘慶集休嘉推其致福之由信乎其與詩之所云有符節之合也夫詩之言壽美矣備矣世俗之所樂也而求其有士君子之行悉合乎詩之所云者卒鮮故敢誦舊聞以質之先生當欣然為余引一觴也是為序

帆

匠

吾不

胡雨帆先生六旬壽序 孫鏞鳴·傳辭本

同治四五年間吾邑重建 夫子廟邑人士推余總其事其規畫
 相度綜理出納既各得賢者以匡我不逮矣而採購材木土石金
 鐵之屬監視興作黜堊塗墍繪畫以及凡集工部部勒備役事劇
 煩任人尤難繼而得兩賢焉曰朱君調甫胡君雨帆而朱君體肥
 畏熱甚不能會工所獨雨帆早至晏罷幾及兩載無一日不如是
 及役成材良而價省事速而工倍下至竹頭木尾無棄材焉此非
 思慮精密強力過人而又靡然大公信服乎人惡能及此哉余於
 是深服其能及後創嬰堂復義渡凡邑中有義舉非君有辦治胡
 氏為邑中望族尤鉅自宋元以來代有偉人瑰士科第至今不絕
 君自祖父以上居豐湖至君始徙入城少以貧故無以養為縣吏
 而課其弟涵習舉子業有聲諸生間令以恩貢生待銓校官而長

Blank columns for calligraphy on the right page.

甚

嗣祖芬亦列膠庠君且以功保舉敎按察使照磨余聞漢興蕭曹以吏致身相國而元時尤重吏起家州縣歷臺省往往有之今天下患財匱盡矣近者秦晉冀豫之饑出內帑竭東南財粟以輸之什不救一二內而司農興仰屋之嗟外而疆吏有捉襟之嘆雖以天子之貴廟制之尊猶為國力屈不憚因陋就簡以為之蓋朝廷有一興作與其事者輒覬覦乾沒不知凡幾故動不如靜則亦安得實心任事潔己奉公如君其人哉余所以與君共事而深有賢於君也惜未大展其才以見於世耳君生平睦族好義篤於友朋立身最為有本歲出其所贏拯困賑乏施棺槨修橋路皆不足為難也今年六月為君六十生辰戚友謀壽君而索言於余余里居與君隣耳月常三四見自前歲省兄於鄂相隨至金陵今又奉講席於鍾山故鄉朋舊時時在念而去夏朱君之亡心尤惜之則賴

君
東

謹

以維持邑中諸義舉者非君諸屬哉祝君之壽固余所樂言也雖然任事之難古今同慨往者窺君之意亦稍稍倦矣然君亦嘗聞書無逸之言壽乎恤小民之依不敢康寧殷三宗周先王之所以久享國也否則罔或克壽以勤勞得之以耽樂失之帝王且然況其下者君其母避勞母遠怨母苦煩瑣規久遠而益擴充之以昌熾其子孫以旁賴我鄉人而君之壽而永與無極斯固余之引領東望願以勉君者祝君也君能不河漢余言否是為序

亦

薛叢生先生七十壽序

孫鏞鳴。傳錄本。

吾郡之薛南宋以來為名門右族以道德經術紹河洛之傳開永嘉之學者首推艮齋先生又有舍人秘閣之直諫貴勤考明之勳忠叔載賓日之工詩能文章後先輝映卓著聲績而瓜廬隱君築室會昌湖上耕釣自娛其清節高躅尤儵然於塵俗之外薛氏世多賢蓋自昔然矣余亂後入城再三遷徙己巳庚午間僦居望江橋東與薛叢生先生隣一墻之隔耳其令嗣育之子樞昆仲恂恂孝友皆彬彬蔚有文學往還遂密間三日未嘗不相見也而先生舊居在城東門豐湖之上枕隆山之麓左江而右湖當山水結聚處先生之世父止伯先生與其子石介皆精書翰篆刻蓄聚圖書古玩金石頗富尤嗜賓客飲酒與郡中諸名士游而先生獨耽魚鳥喜藏名花卉卉不慕榮競怡然自得於山水之間瓜廬風味如將見

之鄉盜之起園廬焚蕩與我家同令之所居亦僑寓耳余退處以
來杜門卻掃謝絕人事生平朋舊大半凋零是以出入閭巷漠然
無所向每飯後燈初欲有所適一舉足輒至先生家與談里俗近
事先輩遺聞不禁感慨係之也舊歲之春余自望江移居城北距
先生居稍遠矣然旬月間亦未嘗不一見今年二月為先生七十
壽辰育之昆仲乞文為壽冀以樂先生之意余其可以無言竊謂
先生之致壽固有理而且未艾也先生四十失偶誓不更娶固澹
於嗜欲人也好整潔善容飾望之如五十餘人習岐黃家言有叩
門求診者雖風雨昏夜不辭過貧乏不索一錢謝且往往施藥與
之其仁心為質如此然在家習勤不懈簿物細故躬自操作余往
寓望江一小樓與先生所寢樓咫尺間相望也每日天將明聞履
聲索索自樓下知先生起而余亦起然則先生強健過人豈非稟

賦之獨厚而壽詎可量哉以育之昆仲之賢余尤望其益交勉於
學行追念先執求如良齊而步趨之以紹夫南宋文獻之傳則先
生之意將更樂而期頤壽考之祝又不足與先生言也矣

湯太恭人八旬壽序

器銘鳴 傳錄本

江右湯紹御以名進士始官農曹親老乞外來令於浙光緒壬午
移任平陽三年大治令歲二月為尊慈盧太恭人八旬設悅之辰
平之士民德侯甚來乞文為壽瑞安平陽壤相接兩治所相距三
十里而近隔一江耳侯之始至未數月神明之譽洋溢乎四封登
訶巷頌達於吾邑者與潮汐俱至平民樂甚吾瑞民亦慕甚今日
者政平民和侯殊服奉觴北向而祝遙惟太恭人優游里第孫曾
滿前其樂可知都人士率其父老童孺躋堂拜舞致其親愛之忱
以慰吾侯望雲之思禮固宜之銷鳴於侯又有文字之契侯上郡
道吾瑞間枉車騎相過獲聆言論尤愛厚而君子稱人之善恆樂
推其先世之美義方之教以明累積之有基樹立之有素也兼斯
數義奚可以不文辭窮謂國家張官置吏牧養元元謀其生聚迪

其心性教其所不能成其所不率極之至纖至悉而罔有或遺者
安賴乎蓋非賢長令莫之能為也顧後世之制若以令長為不足
任也而必設之監司焉設之牧伯焉其積尊累重以居乎上者官
不一則賢愚不一也好惡不一也體統雖若相維而精神未必相
貫也考察非無成法而黜陟未必皆當也民口賢上不盡以為賢
也上口賢民亦不以為賢也於是迎合之意生塗飾之計巧苟且
惰偷之習成其齷齪貪酷因官為奸者無論已即有一二賢者志
存民瘼力自振奮終必玩常蹈故而皆不足以有為吏治隳民生
日苦職此故歛令侯之治平毀淫祠黜異教禁賽會剋棍徒而尤
加意於庠校建文筆塔增設社學勤月課優膏伙退食之餘校書
院課藝必句斧字削靡而明達而果有所嘯於上而不以自嫌有
不諧於俗而不以自餒往見其文告條教皆出自手為洋洋灑灑

千餘言而未已也眈眈懇懇若家人父子相告語也誠極之至纖
至悉而罔有遺焉雖古循吏何以加於於是合港南北江東西橫
經之彙負耒之氓環琴堂而名呼生佛望板輿而曲進壽人不亦
宜乎且夫有熊丸之母而後有韋仲邦之文學有封鮓之母而後
有陶士行之勛名侯之治皆太恭人之教也始太恭人之誅吾贈
公鍾病不能繼而課侯以學愈嚴及侯之莅官贈公又帶手書誠
勉皆以盡心當官毋念家貧為諭則太恭人所以相夫而成子者
其貽謀甚大且遠而侯之樹立不誠有素哉自今以往治行上聞
帝心簡在行將一歲九遷吾知侯之宏此遠謨即以其治一邑者
推而治一郡一國以及天下而道無不足其於太恭人之教益見
顯耿光大而太恭人之壽不由此引而彌長乎

有顯

在

許太宜人七十壽敘

孫鉞鳴。傳錄本。

吾邑中多唐宋舊族頭晦或殊而家法相承綿歷八九百年未敢
失墜者往往多之固俗之厚歟亦君子之澤長也橫塘許忠簡公
游學程門載道而南遂為建紹名臣勲節顯著其後文學武功代
有聞者我友許子竹友稟抱天穎覃研六籍沈浸醲郁發為文章
逾冠之年遂陪鄉賦大成非晚寶氣必騰其光許氏之瑾瑜吾黨
之椽梓也歲朝六日為尊慈朱太宜人七旬誕悅之辰門下士方
將召集賓朋登堂獻爵太宜人則福彌沖抑而勿許乃各退而徵
文于僕以為牲醑之馨烈金石之鏗訇不若有道之質言可以久
而不散也雖然僕何人哉顧往在大荒落敷牂之歲鉞鳴歸自金
陵為兒輩擇師經明行修莫如竹友宜敢禮相延屈主家塾兩易
寒暑指授有方啟迪勿倦頑金入冶曲木從繩循循善誘曠若發

蒙自斯以來鄉里後生著錄愈眾執經戶外方屢聞集賢書拔萃
咸出門牆文望日崇母儀益耀既感賢者開益之宏重以諸及門
謏誣之功其敢以固陋辭夫相言不出揚厲為難婦德含章才能
奚貴懿惟太宜人之始疎戎贈翁也孝敬之風流譽鄉黨其時蒼
江先生竹友之庶兄習孫吳之書中澤宮之選太宜人以一視同仁
愛均已出及竹友之生醉盤甫試椿蔭遽凋太宜人以長以教慈
而能嚴章母之訓送也經典為先范母之誨滂也名義居首以今
方古旨要不殊他若積善成德守禮好施佐寒暖以脯脩板孤障
於覺疾非寬祭則綺紉不御恆急難則囊篋全殫辨色而興條理
精密舍館多暇禮佛一龕彤史所書媿不勝紀當寇降之鹿駭矣
貞固于危疑手煮鬻糜餉均列戎乘城之士仰哺不餓勉虞澤而
捐環珮無忌以贊義師偉識量之過人尤中悃所罕覯已夫有

九熊之母柳仲郢之所以彪炳詞林也有畫荻之母歐陽子之所
以弼諧政府也今竹友擅天挺之姿果造微之力益以緝熙光明
日新富有行將黼黻天庭前詔雲陞以繼忠簡公之勲節前輝後
先而太宜人耄耄期頤膺此曼齡緝福不更虹洞無涯乎竊思古
之善頌善禱莫備於詩然臺萊之詠岡陵之祝以太宜人之謙德
言之或謂其夸且侈矣則且為誦小宛之詩可乎其三章曰教誨
爾子式穀似之太宜人有焉其四章曰我日斯邁而月斯征風興
夜寐無忝爾所生敢以是為竹友勗即以為太宜人壽庶幾頤而
頤之而進一觴也

辭叢生先生六旬壽序

黃體芳 傳錄本

癸亥之春芳在京師時則河東老鳳正開梓里之筵落下士龍未
與蘭觴之祝是年冬乞假里有之子樞昆玉廼以尊人之六秩索
下走之一言竊謂鐵牙金齒之文詞雖奢而靡當二首六身之象
語亦隱而難稽豈其求李道家朱陳世戚而猶復扶張邇篆肝飾
曼祺徒陳眉壽之虛文勿聞耳鳴之陰德乎惟我親翁叢生先生
大人噓氣如春迨奇於野人稱處士便成下界之神仙天賜耆年
適屈上元之甲子謹陳梗概用佐釐收先生植體強良毓姿醇粹
甫知孩笑遽免母懷醉盤未設之前慈雲渺若篋扇初開之日泪
雨潸然方在垂髫宅相見知於甯母泊乎就傅鄉人競日為任童
張敷之侍嚴君植比梨而何敢孟宗之依繼母竹化笋以奚難既
而項太孺人適當攬揆之周偶示雞摩之疾先生哺烏愛切求鯉

Blank page with faint bleed-through text from the reverse side.

識同始則為拜井之宋君醴泉涌出繼則如居廬之皇甫祥窟營
成迨乎椿蔭之推已在父期以後亦復樂心銜恤蓬首鳴悲何子
平耳順之年暮猶孺子苟侍中骨毀之狀感動旁人而且勗弟成
名生莫辨其同異撫姪如子語豈止於寒暄其至性有如此者夫
握篝燈下同心誰似安豐種秫田間偕老獨誇彭澤先生中年失
偶內助需人况驥子成行未了向平之宿願即鸞膠再續誰譏溫
嶠之薄情而乃矢高義於梁鴻佩名言於王駿絕牀經案慨長物
之無多女布男錢問諸孤其何恃獨支門戶遂屏桑蓬肅孝亭於
勗堂蘋菹可兼其職延嚴師於家塾芝蘭務植其材劉贊儒風長
此青衫疏食韋賢經訓富於黃金滿籬恩勤等乎將茶教誨期乎
式穀卒之佳兒得婦華元之禮節無愆季女有齊韓穆之清芬勿
替廿載極維妻之瘁一門消嘻馮之聲其家法有如此者昔真人

採藥於山中以桐為姓老母汲泉於庭畔有橋皆仙凡方技之洞
明本慧心之天授先生董惟久下匡壁頻穿自宜登天祿石渠百
家避舍何止誦靈樞玉版三折專門願乃益良臣活國之心服人
子知醫之訓咀扁鵲上池之水校司馬外臺之篇高敏之以母患
沉疴而深諳診籍殷仲堪以父罹倖疾而精習經方調陰調陽幾
有望垣之術飲人飲熱遂開如市之門尤所難者救療若元忠單
寒必恤鍼砭如郭玉厠養勿遺貧不索貲但種數株之杏樹家常
施餌爭分一滴之楊枝著手成春現身即佛聊託刀圭以醒世豈
驅艸木以市名其素行有如此者且夫淡富貴於浮雲者其趣遠
也履險巇如平地者其神怡也先生臨水幽居面城小築半村半
郭車馬無喧一壑一邱琴樽自適每謂塵消紅軟不妨陶令之廬
就令盜起黃巾勿犯康成之宅矣無何辛酉冬於鄉卸累崔澤臨

豈義

張風鶴蟄深池魚殃及通身烽火途則僕跣婦蓬回首田園頃
刻已烟荒艸蔓而先生選同孟母失等塞翁借城市以當山林譬
松喬之在霄漢方且牽蘿補屋就竹支樞携斗酒而招鷗拓葯欄
而鬥鴨生機活潑熟索駝種樹之書和氣薰蒸長荀鶴登科之草
集釣遊之故侶都來香國叢中付書回於兒曹如坐米家船上陽
孝本號玉巖居士顧仲瑛稱金粟道人其高趣有如此者綜此數
端宜其多壽家聲雀起信蔗尾之愈佳姻亞蟬聯慶梨眉之不老
雙珠繞膝秀啟環瑤斗酒介眉輝聯水玉膺斯福者喜可知已芳
也薦蘿誼切魚鱗懼深瞻異彩於少微頌高年於大董但願傳經
子弟都學丰干戲綵衣冠更踰七十壽人壽曲常對二分春色之
辰廉水廉村共中百歲期頤之祝

嫩
託

氏

張太孺人八十壽序

黃體芳·傳錄本

光緒九年龍集昭陽月貞孟陬為族人外祖母八秩壽辰堂舅
氏先期齊肅揚述徽徽遠道乞言以備兕觥芳誼感未其何敢辭
太孺人誕純粹之華宗秉淵懿之朗節自其髫歲從父授經既通
尚書亦習論語湛蒼風雅遂姻詠塗濟南伏生經學傳於女士江
東謝士論贊依乎中庸識參差為雙聲微窈窕為疊均藻繪所及
朝華遜芬興寄以宣夕秀斯振此於士行宜稱曰才其歸於南鄉
族外祖父也繆彤羣從云維四人馬元前妻慙焉一女太孺人調
和先後靡問戚疏事同居之鍾氏宛若戚親撫異出之官奴思斯
孔擊介婦家婦井爨均夫勞動一子二子蘆絮沃其單寒此於士
行宜稱曰賢南鄉先生富而好施性尤愛客靜夜明燭時展文譙
秋風破輒念旅窶太孺人議厥酒食佐其調芼代公傾樽或習益

芳

以嫁衣北海開樽不相關夫家事知子之好寧惜雜佩之貽問客
何如屢聽隔屏之語此於士行宜稱曰德既而戴遠占星知非永
歲趙五視日興歎徂年乃舉家事悉委細君歲值元枵所天遽隕
斯時也凶饒遍地怪鷗蹈天三尺之孤斬焉在室百鈞之重藐余
一身太孺人哀銜於心事定於手效馮煖之焚券反仄以安守晏
嬰之遺書靈芬罔替卒使哀宗振業窺伺息於里閭哲嗣騰聲文
采光其閭閻擇髮媿之婚莫如盧儲為兒子姍姻必求韓絳此於
士行宜稱曰智至於所旦習勤儉番春福沅濯之服被體自安萬
菴之簪冠首靡耀以宴諸父乃特殺夫羔羊是亦人子均善視乎
臧獲九族以下需飽煖者十家百步之內頌芳馨者不替此於士
行宜稱曰忠綜是數端事符五福以視傳留中壘誠備大家絮彼
管彤殆無愧色宜其壘膺鸞誥榮襲苜馮蘭玉翬翬式燕而永譽

崔盧絆絆珙象以介年芳遠持使節未獲登堂素欽聖善之儀敢
效蕪偶之頌所冀越星得歲長凝媿女之光春桃始華同祝婉妗
之壘

潘太恭人七十壽序

胡珩傳錄本

夫惟成侯命婦鍾士季自述母儀鄧國夫人張燕公為傳女憲魯
頌歌受祉班史紀祝延介壽以言由來舊矣况乎善心為窈美意
延年守勤儉之風敦孝慈之行如潘老伯母林太恭人者不誠足
以增流光於彤史垂範於金閨者乎太恭人系出林邑家傳禮宗
淑慎其儀柔嘉維則其婦我贈翁寢鷗先生也鸞凰合奏笙磬同
音肅奉宵禱警隨旦枕閨鑿識寅清之度帷燈分乙夜之勞迨乎
貢樹分香首盤官冷米鹽零祿尺書不達於堂階織維從容獨力
兼持乎門戶其相夫有如此者方其閨中作苦堂上承歡南陔潔
其修儀北宮睦以有禮晚菘早韭探慈性以先諳暑膾寒并體老
懷而曲到幾逾卅載無異一朝迨乎傷心護蔭侍疾椿庭厠喻石
奮之衣牀枕手黃香之扇肩隨杖履優游大耋之年手澤杯棬

切先型之泪其事上有如此者若夫蘭芽已茁睡露旁添珠樹猶
疎春風下逮銀鹿比肩而坐石麟接踵而來迨乎嶽嶽長君參猷
岳牧溫溫仲子視秩裝曹玉昆金友辨銅盤之誰饋伯霜季雪綴
瓊樹以聯芳虞學士之文章半由慈訓蘇長公之事業親奉母箴
織都中却寄之書但期遠到柝衣上密縫之線轉飭遲味其勗子
有如此者至於惠周三郟仁洽六姻撒璫輒取以施貧別絳兼資
以補乏推蒲圃之櫝為慈旅人饋螿卹之漿特酬壺士凡所以匡
困資無救生僵死者舉世皆樂其春及陰德直付之耳鳴綜諸懿
行宜獲嘉徵今則竹林清望萃於家門雷澤同心傲彼鄉里一枝
獨秀先分薇省之香六駟迴翔齊戲槐庭之綠代王言而折簡快
堦龍乘傳祖硯以揮毫文孫駿起喜畢玄之紀歷正開秩於稀齡
象服頌榮恰扶杖內朝之歲鶴鳴應候值奉觴上壽之辰膝下斑

衣前歌後舞房中雅樂曲奏乾宣玠託紀羣舊好慕鍾郝賢聲與
阿戎遊義方久深聞湛母教壺範久欽占星窺牛斗之垣豈止郎
官應宿表德賦鳴鳩之什特教四國瞻儀敢摭言於彤管敬雜誦
於絳幃所願淑風載鮮慈雲永覆金甌玉俎長介祉於羅陽霞帔
寶冠臺承庥於京國肅起居於八座鸞闈添歲歲之萼叶錫慶於
九重翟芾表婆娑之福此日普天華祝春臺固仁壽同登異時表
楔期頤瑞應更輜軒備採是為序

張太孺人七十壽序 蔡慶恒。傳錄本

光緒乙酉春博如表弟書來以尊北堂姻伯母馬太孺人四月中
浣八日七旬誕期也乞恒一言以侑觴恒叨附葭未當在奉觴上
壽之列未便以蕪拙辭身自魯侯傳燕喜之章碑國有介眉之俗
唐小製樂安世壽人公瑾登堂通家拜母是以護閨養志咸思晉
菊延齡韋幔承歡共效舞萊祝嘏願客卿善頌悽迷瑤池少廣之
因而舍侑觴競誘荀母馮親之福即使合女誠史箴以推本亦不
過善心美意之空又若姻伯母馬太孺人者我姻伯翁澹菴先生
之繼配博如表弟之賢母也固非言德容功所可概而康強逢吉
有必至矣孺人以傳姪女士隸孝友名門膠鬻在御仍恭綬以同
聲銀鹿弄兒無衣蘆之舛眎紓夫子泉魚之憾歲時則蘋蓼加虔
謝盈門珠玉之粧作苦而布荆習澹然而范公道大九族望以流

寒鄭國渠深三鄰恩其潤涸孺人則婆心慎針勸分宅以蔽靈輿
福德修善勸指因以免塵甑凡若隣里之婢媼姻媼之妯娒靡弗
推桓範之風徽服郝鍾之禮法或比以推髻之相夫或方以畫荻
之教子或譽以周家給秀厨治咄嗟或推為林下宣文玉霏談妮
要皆不櫛之淑姿中閨之雅望而未稱女中師表上應婺須壺內
偉人偏鍾光岳者也蓋孺人當髻花簪柁之年正釜豆燃箕之日
鵲音逼處菀諸孤毀室堪虞蠶食比隣未亡人摘瓜是懼天水險
艱之際同室罕援期功疆近之親本根莫庇卒之石履嘉而壅達
丹耿開雲巢將覆而種完清聲振采律吹寒谷化冰雪為陽春日
永華堂綿慈暉於蔗境而珂鄉所艷美者往歲潢池變起並海峰
傳長嗣君心如獨能率其弟慈仙博如秋門輩奉刺背之言勵懸
孤之志偕鄉團以守望以子弟衛父兄石生奮臂茄吹而桑梓同

鏡 獻

仇倉葛侶呼鏡奏而萑苻斂跡奔殺鋤以敵愾制合兵農州露布
而從戎訓遵慈母凡此移孝作忠之義舉悉本周蓂范母之深心
遂能策勳上達獻綸綍以娛親諸子名成擢節并以上壽屈并純
乾之月適逢設悅之辰老紅暉春新荷張蓋胥內外賓以鞠醜盛
逾冀婦茶妻備九五福以攜辭榮過敬姜班惠

胡珮堂先生六旬壽序

林夢楫。傳錄本

鶯花二月天開獻壽之辰，鶴算八旬人署散仙之號。而况傳經可
 樂，味道能欣，齒德彌尊，髮容未改。黃花貌古，婆娑風月之場。綠酒
 香，被跌宕琴樽之會。品格則規，模望重優游。而杖履春多，如我烟
 太老伯珮堂胡老先生者，非惟平地神仙，抑亦人倫冠冕。已先生
 安定清門，甌邦名族。幼擅龍文之譽，長標麟角之奇。未彥和兼治
 五經，丹鉛在手。張文成雅稱萬選珠玉，揮毫識者以為箭駿雲長
 運。鵬海潤耀禰衫之利市，已看聲雋一螢。聘鞅鑿於名揚行，且價
 高千里矣。而乃升諸昇等，屢邀大匠之知。鬱此壯圖，未展強臺之
 步。兼以椿齡向晚，誰膺門戶之仔肩。荆樹半摧，更少種篁之同調。
 琴有材而尾燬，桐未老而心枯。於是息影衡茅，忘情軒冕。青燈有
 味，稽文史以自娛。黃綺為朋，話桑麻而亦樂。守青箱於王氏門業

相業羅玉樹於謝庭極書能讀時枕卷而課子亦念銘而弄孫至
樂自在於天倫資生無憂於家計所謂怡神適性克享大年者歟
且夫追遠者紹述之情也收族者睦姻之義也先生有懷飲水不
吝捐金尋碑而重表公琴松楸亦增其佳氣考祭而聿垂世譜萬
萬能庇其同根而且仁粟分嗣三黨賴同功之火情波揖注千瓢
有不涸之泉義聞洽於衢歌淑風播為輿誦試數生平陰德有似
耳鳴若論鄉里善人定應首屈尤有難者當聖主紀元之歲正鄉
邦被寇之時賊賊鴟張鶴軍鳥散狼峰盡舉百里塵昏鶴泪宵聞
萬家矚駭柵倉皇而投筆先生亦慷慨而從戎以袍澤之同心萃
干城之眾志以獲鋤之捍禦壯鼓轟之聲靈卒之元戎奏奮武之
功羣醜息橫流之勢血奔鯨於江水鑿封豕若邱山也豈不驚粉
榆如故雖榮占晉錫清銜已耀乎晶珠而福不唐捐積慶宜徵夫

綬笥然則今日之齡享大董星雨少微詒厥美其燕昌樂胥歌夫
鶯領非天之獨隆其遇寔德之自握其符也楠居苻密邇八邵家
安樂之窩几杖追陪欣瞻魯殿靈光之殿值此懸弧之慶敢辭珥
筆之勞所願圓魄常盈春暉永駐黎眉之容不老蔗尾之境愈佳
异日者純嘏爾常受齡載錫筵開上壽定傾北海之樽曲奏南飛
更祝東坡之算

項太恭人八旬壽序

孫詒讓代作。停錄本

光緒癸未七月十九日為我舅母辭太恭人八秩壽辰於是哲嗣
 攬谷栗亭兩表弟將率孫奉危為太恭人壽而以情飭之文為屬
 衣言泰厠諸甥於太恭人徽儀淑德聞之最悉故輒聞其大畧以
 為千秋之祝而非夫壽常頌禱之辭也蓋太恭人系在廉村辭氏
 為宋敷文閣待制辟公良朋之苗裔元明以來久為吾鄉望族幼
 習女訓兼工組紉及長銖戒先舅氏若蛇先生為繼室先舅氏伯
 仲四人仲為雁湖處士邃學潛德不事舉子業有王仲任皇甫士
 安之風尤工吟咏所著且甌集詩格醇古凌轅盛唐浙東詩人殆
 無倫比次舅氏凡小學博以名孝廉為富陽校官所學尤淹博天
 孫校讐卷綜乾嘉漢學諸大師之長儲書數萬卷丹鉛殊遍先舅
 氏幼承兩昆之緒論益肆力經史藝學無所不窺而又從伯氏受

Blank page with vertical lines and faint bleed-through text from the reverse side.

詩法得其微旨而著耕讀亭詩鈔八卷與且甌集並盛行於吾一
門昆季富有纂述尤吾鄉之嘉話也先舅氏既篤嗜文翰不復問
家人生產董理家政綜治繁雜率賴太恭人之力為多至於持尚
儉樸屏絕華靡雖膺榆狄之榮而荆布之風至老無改見者若不
知為富家媼也既而攬谷粟亭而表弟並以積學雋才上稟慈訓
宇量高雅器識純素庠序蜚聲鬱為時棟諸婦珩璫縷婉嫵柔
嘉咸守太恭人之家法兢兢勿敢違文孫則又嶄然見頭角瓊環
瑜珥起應德門於是益歎太恭人之賢其克享上壽為吾鄉女宗
固其宜也曩者同治癸酉值太恭人七十壽辰攬谷粟亭既舉祿
觴之祝而余弟鏘鳴為文以紀之時衣言方備官江東未得躋堂
上壽今者告味家銜閉門卻埽數與攬谷粟亭晤譚輒從問太恭
人起居羨其含飴弄孫之樂為不可及而太恭人則又八秩矣竊

念外家者舊稀如晨星而太恭人耄耆疆固獨以大年厚德為姻
黨之宗法斯固不可以無紀也輒縷陳之以答攬谷粟亭之意奉
韞晉膳之暇敬為太恭人誦之儻為加餐而一笑歟

張廣雅尚書六十壽序

孫詒讓傳錄本

光緒二十有二年丙申八月吾師廣雅尚書張公六豔誕辰凡著
弟子之籍者咸獻言以為千秋之祝詒讓獨恆銜恤家居不得與
稱慶息丁酉而公以官年六十禮官上聞天子優禮者德將舉錫
釐之典窠宇翹首以瞻異數而詒讓亦適屆祥禪雖學識疏淺於
公之盛德大業未能仰贊萬一而於自強興學之指畧有所窺斯
固不可以無述也竊惟公自妙年通籍即以鴻文碩學受移廟特
達之知回翔詞館而蔚然負公輔之望泉令上光緒大統祇承懿
訓知公尤深遂以侍從之臣建節晉粵江鄂領南洋欽差大臣崇
樹勛勸震愴異域若援越拒法籌俄備倭以逮開鐵路治非政簡
軍籌精鍊全製械諸大政閎謨偉畧不可勝舉而公之密勿敷陳
與夫獨居深念所尤致意者則以強中國自強之道莫先於興學

紹

以

開物成務究極原本俾圓顧方趾之倫昭然發其蒙蔽非夫流俗
變法之論也蓋公自在詞館即與當代賢達研經講學通漢宋之
涂輒泯中西之區吟論著名通海內傳誦及外膺璽寄益崇闡斯
義於粵立廣雅書院於鄂立兩湖書院廣集方聞之士俾碑講經
義治事之學而開府江東以迄旋節漢上復建議設水陸師學堂
以培人材設自強學堂以開民智規制宏遠方興未艾故公敷歷
中外經緯萬端而興學以求自強尤公經世更化之概指所謂百
世以俟聖人而不惑者歟詒讓昔治周官經而知周之軍制與學
校相輔而立蓋王畿治軍以六鄉七萬五千家為正卒而六遂副
之遠郊之內地不逾四同而其立學也則為鄉庠者六為州序者
三十為黨序者百有五十遂之屬別亦如之而郊野都鄙與夫校
室家塾數復倍蓰於鄉遂西周之隆所以張皇六師鞭撻夷貊者

實本於是今歐美諸強國學堂雖盛方斯邈矣至於教學之方端
緒精備經典或未能盡詳而推其總要則惟德行道藝師儒兼重
綜貫萬原今西人所治天算地形尤重化電諸蓋已畧賅於其中
故周衰學校廢闕而諸子百家猶有能核述之者若曾子單居齋
之論天管夷吾鄉衍之論地列禦寇墨翟之論景鑿均重多奇偉
精眇之說而兵技巧家則墨氏之書尤詳然則西人所為挾其長
以雄視五洲者皆成周教學之餘緒也曷秦燔書經籍淪佚周官
道義之傳闕焉不續綿歷千載益陵夷不講而西人遂乃窮其智
巧以自名其學俗儒蒙固亦復幽冥而莫知其原學校廢而道義
微斯固古今盛衰之原抑亦中外強弱之樞館歟自道光海上用
兵以來海內學者鶩然爭論富強卻陽魏氏首礪致四裔地理形
勢間涉兵權謀家之論其言閎侈錢未易施行安吳包氏始探原

於河漕農桑以植內治之本相鄉管文正公揭禮治一原之旨持
論尤精而以戡平寇亂未遑更治惟公覃思闕攬肇建興學之議
提綱握要其意深遠令者朝廷開儲材之館以廣致茂異之士東
南士大夫亦皆焯然知貧弱之原由於學之不講公私校舍次第
興立明祿通譯風尚大昌其端皆自公發之然則遐稽周典近綜
西藝培人材開民智興學以自強所以鞏國家億萬之祚而為中
國四萬萬人所繫命者在是即公之壽考所為永於無窮者亦在
是斯非命世大賢之盛軌乎詒讓尙督無侶昔嘗侍公燕閒獲聞
古今學術之流別中年早衰學殖荒落重以孤靈餘生廢業累歲
曩時所治百不識一唯是禮經為夙為誦說者猶能舉其要畧竊
謂周官鄉遂立學以德行道藝治軍教民之義與公所陳建者弁
若符節輒綴緝之用證興學自強之旨而即以為靈命難老之頌

小子學禮惟夫子其教之矣謹序

袁鐵梅先生七十壽序

孫詒讓傳錄本

夫昂宿騰輝認其祥者五老斗躔遵度占其應者九疇昭駢載
符百世之昌期茂豫喬松琢八千之瑞紀是以箕疇錫敘首歛福
之休徵絳譜疑年衍積旬之壽茨靡不騰聲董史斐茂周篇固知
握大年之券不藉餌米餐芝膺蕃祉之符無俟歌松頌柏者矣維
我老伯鐵梅先生者乃新裁公祖之尊甫也誕膺星精蔚為人瑞
武夷毓秀幔亭標仙蹟之奇甌冶承華嶠海濬靈源之潤六世清
德載萃於文中萬石家風首推於漢代先生珽照觴年琮敷非歲
學勤焯掌慧擅覃心索幼安逸羣之量便異童童齊遂欣局幹之
才自成名器其侍太封翁霽堂先生也服勤懃懃含愉翼翼腴冬
緒夏養志無方枕清衾温承惟蠡漏初下撝衡之奉必虔鷄
人貽號管籥之佩已飭烝烝色養諒元方表象於潁川架架思柔

東廣徵補詩於周雅既而伯兄上卷蘭韻早芬荆枝遽萎先生以
 北平最季寔元大宗偉節高名奄超伯氏遂乃上稟慈規下領家
 政有無均於族渙澤潤覃於宗初彭城羣從皆俊惠之有聲信州
 義門信雍睦之無間兼之德配老伯母熊太恭人戟門有曜月館
 含章端捧有蹤 則可範用能襄夫子以劭德 威姑而勛莊閨
 儀玉照榮春與梁棠齊輝閨苑瓊標却法與鍾型並茂珈筭節步
 自符德象之篇榆狄章文彌肅女宗之訓德門懿槩允哉備已先
 生爰述壯年遂通朝籍晋斗華省懋贊秋曹彌雀角以平反展驥
 足以錯祥刑 卞克允明慎種於心田憲典敷寬端平開於肺石垂
 鳩司讞必持三宥之平瑞豸觸邪遂格十愆之俗既而脫屣軒冕
 息影林泉續仲長樂志之篇著歐公歸田之錄北海尊酒坐客滿
 而忘憂西華練裙故人聞而生感有平仲三 之惠無孝標五交

之譏閨門雍穆陳大邱之素風隣里順和王彥方之隱德花開吉
 貝克蘇鷄衣之寒倉散瑞燧豫籌雁戶之急固已里紉厚德人頌
 賢聲矣又以講舍失修橫經罕集先生乃慨捐精錫載興崇構丹
 雘煥采鑿棠庇材紺園文林大擴鹿洞之規方領青衿重葺鶴湖
 之講凡芥義舉曷罄揄揚宜其厚福載膺蕃釐駢集揚家武啓雙
 錄報其將昌于公活人駟馬知其必大於是清聲鵲起哲嗣鴻騫
 蘭開室香芝呈庭瑞伯播芹類之芬文高麟角仲晉薇垣之秩榮
 按鸞班賢昆既拊鄂文輝少公復桂林特秀我新裁公祖即其季
 也緝柳勛勤瞻喬秉訓北溟鵬運東浙鳧飛剖符大末既惠政之
 敷奉檄 興復雄麾之屢搆迄於佐治東甌紆綬下邑清風載
 穆與頌臚惟建康之治寶冠百城公孫之才爰攝五縣遂乃築養
 養堂而棠蔭陰連視加餐則萊衣錦繞絃歌萬戶齊吹華黍之笙

江
桃李千門遙接喬松之館先生乃導迎善氣 勅官箴慰其愛日
之忱勛以戴星之 趙廣漢之衡車夙本家風汲長孺之發倉寔
由庭誥是宜介者成之繁祉占平秩於延洪琳篇益算 榮采南
國之謠玉葉凝釐都荔譜東房之奏苾柔兆書辰天正紀月先生
以林國之年展懸孤之慶於是玳瑁筵開後稅香篆老人星朗宿
麗南躔高會仙多尊酒東海伯仲承歡於玉 少公贊治於黃堂
從子則紫綾緋魚文孫亦環瑤瑜珥自天錫嘏五花之鳳誥騰輝
行地成仙四葉之燕詒濟美洵椿庭之至樂蔗境之彌甘 等風
紛通德於蘭芬久 季方之樾蔭拜龐公於林下侍 叟於觴間
欣屈令辰爰摠頌行綠鱗丹首永膺通錄之篇瓊檢銀文崇晉長
生之笈將見鸞章三錫寵階鳩至而榮頌鶴算百年歷紀鯉庭之
上孝謹序

胡芳谷夫婦六十壽序

孫詒讓傳錄本

吾邑城面山負海形勢雄厚唐宋以來故家巨族名賢達士項背
相望而胡氏尤為著盛自宋乾道馮熙聞胡少賓先生為止齋陳
文節公學友與葉正則蔡行之諸先生相頡頏華胄蟬聯千年無
替迄今猶為儒族文學科第之盛甲於一邑世德隆遠代有名碩
荐紳之士率皆經明行修以禮法相摩切而其種學績文者年厚
福為鄉里所欽仰若余姻戚芳谷明經者尤其魁傑也君挺資英
特幼嗜文業承其先姻丈棟甫廣文義方之訓束髮受經即以精
敏轍其儕伍甫弱冠應童子試即冠其曹遂以文藝受知督學使
者吳和甫侍郎拔入府學為名諸生復以屢試高等補上舍生顧
性靜退負其雋才邃學而起然於榮利之表既膺鄉貢即不復應
科舉惟以讀書課子為樂尤善談論每揚推古今治亂多造微之

論聞者無不心折而襟懷沖淡被服儒素見之者不知其為高門華閥也元配項孺人以詩禮華胄作儷高賢奉案晉饋肅敬無懈哲嗣筱谷國學文孫公哲公勁公治輩皆竺志儒業君為延師督課益自淬厲咸以妙年雋采有聲於時行將接武螢泮光紹家業而曾孫肇隆方在髫齡而資稟英特瑤環瑜珥望而知為佳兒蓋君年甫逾五十即已孫曾綿衍歲時伏臘一門羣從內外諸孫數十人春韞奉觴為壽者環繞膝下天倫之樂盎然溢於家庭之內此尤非鄉曲舊族之所能企也余家自太僕君移居城內之邵嶼所居距君家不數武往還最密曩者先妣文棟甫先生以碩學輝映先達領袖後進與先君為文字交雖少賓之與止齋不是過也余少時嘗得侍棟甫先生燕譚與聞緒論以兩世之交遊姻婭知君之學行尤悉今年七月為君六旬誕辰適項孺人年亦周甲諸

姻鄰將稱觴為君壽而以祝延之文為屬蓋君雖席豐履泰而欲然不以自足其志趣之鴻與福澤之備求之於古郭林宗陳仲舉之倫殆無多讓而且年逾五十四葉重光福祉蕃萃尤為鄉里所罕聞也蓋其純懿溫粹之性得於天者既厚而沖懷曠抱尤足以近和而禔福則其克享天年非徒故家喬木靈秀所鍾抑亦行誼之篤有以握其券也輒敬綜緝所聞以備博史之祝若夫年彌高而德彌劭絲斯而晉秩於無疆則固未有艾爾謹序

誥授光祿大夫廣雅尚書制府六十壽序

黃紹箕代譚繼洵作書

皇帝御極之二十年以海疆有事特命湖廣總督廣雅尚書張公
移鎮建業提控南溟越二十二年春事平還治於是距公始去武
昌之時蓋二稔矣陶陽武屯軍夏口實惟指使之年杜當陽返節
荊州爰屆杖鄉之歲軍民頌手僚史懽愉其秋八月初吉為公攬
揆之辰將舉祝筵之禮公超然榮觀抑此德隅祈爵獻功衛敵武
戒賓之旨忘家為國霍景桓辭第之言繼洵竊以為壽者之詞紛
綸於雅頌屯象之語緯繡於鐘彝仲任稽論於太平禦寇揆元於
多樂此延齡之帝致益算之恆言若夫砥柱鬱盤激洪流而永屹
喬松峻峻凌皎雪而彌昌無逸享年理通乎臣下肇敏錫祉效博
於戎公輔皇極之會殊非康疆不能逢吉贊大乾之資始非貞固
不能起元在昔秦有番良周多叔士而川將共濟則思平格之棊

忱日邁弗來則念榮懷之黃髮繼洵協恭夙夜相保歲寒以古方
 令請附斯義夫運會則世復隆古事變極則天生大才自矣漢以
 還迄於近代偉人閒出奇傑踵生莫不奮英聲以邁前徽抗絕足
 以揮耒軫然而師道儒道岐軌於書林武達文通殊科於冊府良
 以去聖久遠與時推移源室於未分勢重於積重將欲綱維道蕪
 甄治剛柔總制埏埴冥符三五曠期應會其殆在戎公乎公生韜
 靈鑿夙挺殊姿方就傳而通經成童而領解教皇御極親策茂才
 始用直言褒然異等董相天人之對為河北之大師賈生政事之
 書是洛陽之才子夫其沉酣六籍探綜百家雅好深思惟求要義
 易例兼苞乎象數詩話先式乎威儀審定書文起梅閣之隱漏覃
 研禮服申卜鄭之淵微比事屬辭證經傳於左氏改元受命發墨
 守於公羊又以魯論廿篇九流萃乳合同以異則一曲有殊功害

意以辭則鉅儒有駁義矯枉過直荀祭酒之精言舍短取長劉更
 生之通論纂義多成於歐夏質疑時志於逸商是以禮列奉為禮
 宗館生推其士表太常之議廟祀就張純而訪儀東觀之續儒林
 待劉珍而發例迨賈司成之職詳參大禮之文上攷古經下詠今
 律糾漢後諸儒之執一述高宗聖訓之持平遂使新猷悔其失中
 廬陵慚其無術九重報本隆天篤而匪私萬葉觀型範人仰而立
 極帝之仁也公有力焉屬西旅要盟行人辱命平章貽愕典屬依
 違公條上便宜累陳備禦爰承懿命俾與諮商弛張動中於機牙
 攻距務存於形始萊兵御舞而汾陽之侵地殊戎索正疆而皋鼬
 之載書改益温公方為學士儼然公輔之資謝傳未假安東早負
 蒼生之望已洎乎并州持節粵嶠建牙一攝吳臺久落楚服經事
 綜物涖官治戎聲施爛然略可陳說王政之本先洽民心用兵決

勝於人和。覲國戢謀於衆，附公和在。北惠澤及人，酌金布以省。徵徭建石倉，以峙荒蓄。亭疑析，愿師罷之。務寬禁，悍鋤奸。法國僑之用，猛勸侯。奏聞之道，峻坂方馳。白傅謏築之隄，奔濤四偃。絕烏香之毒種，晉國無饑。收白脚之閒民，楚材効用。自公蒞止，前後六年。五穀順成，兆人和樂。比以江北惠濼，乞糴鄰封。卒回偏歉之徵，遂致屢豐之瑞。襄陽耆舊，知請雨止雨之誠。荆楚歲時，應溫風涼。鼠之節，斯乃公之所以篤民生也。且夫安民之道，呂營吏為先。大臣之誼，以薦賢為重。邇者六條化遠，四行風微。良幹有聞，循聲聞起。若高儉之設條，教馬臻之講麓。曰于定國之無寃民，李君爽之有異政。朝廷加之方任，天下仰其器能。登凱舉元，繫公實賴。至於素絲繩直，白簡霜寒。黜崇貨以儆官，邪窮徒文以懲吏。巧推解錢之法，廣厲廉隅。復幕掾之規，親稽才性。理枝必循其幹，舉網必振

其綱。道在布公，故嚴而不怨。事歸核實，故寬而不欺。籠內葭苓，見蓄爭勤於奮。放腹中鱗甲，被除或絕於懟。言斯乃公之所以激吏治也。食貨為八政之首，幣餘為九賦之終。因地制宜，則民不匱適。時合變則道不窮，據表裏之山河，宜秉四人之令。跨東南之嶺海，兼緒九府之篇。凡夫總結常供，宇盤正筭闕泉山貢，船算海租。司市靡害之征，塵人質罰之布，莫不重輕互用。本末兼權，釐設墨之錢。通塞涓流之厄，漏守高父因俗治民之訓。參傳家反經合道之言，內委度支外填軍府。劉士安帝平之法，收辱而眾不知。陳亨伯經制之模，積微而人無害。若乃沮漳望國，杞梓名邦。匪曰地腴，寔云天險。川原鉅轄，人物喉衿。神樞默運乎寰中，美利周流於天下。化石田為金穴，易馮壤為寶山。新拓織圖，敵阿羅之幅布。別開園法，迴玉面之金錢。波及諸方，猶其餘義。斯乃公之所以紓國計也。

通海以後邊境頓仍班生迷其天驕非小禮所能馭莞子謂之日
變非帝智所能觀往者西瀛波揚南交雲擾圖數寸而千里劉安
慮其行難廩一人而五升李固憂其饑匱公題真柱旁應閣臺驅
策羣材緝和諸將撫田橫之議士收馬援之流人鼓角鳴於地中
樓船橫於海上山川殫歷發縱於籌筆之樓士馬飽騰仰給於凝
香之寢卒使渠魁就戮重標銅柱之封勁旅凱旋別置金城之戍
已而韓藩告急倭島稱兵曲突薪然甘泉峰及遠交近攻之計兵
法所必先重利輕害之衝權家所必擇韋孟之夢爭有恨統朝之
贈策何心觀其使節所經軍籌略舉珠門列壘既南訖於瓊儋鐵
甕增屯復東連於崇寶割孤望準測線沙詳引亦思馬以置佛郎
用申巫臣以教乘廣雖復事多經始義竦引申而研慮精微發端
闕遠徹桑陰兩屢誦成於鴉勤采藿深山終建威於虎猛斯乃公

之所以壯軍謀也自升人之司存於禮籍職官之謀列於儒家遠
則伯益寫山海之圖近則馬彪謨郡國之志具陳樸產備取全工
令者官失在夷貨棄於地吳士之求越甲楚金之鑄鄭兵因緣為
奸緩急難恃家珍自失利孔祥多於是招西域之鍛工發南荆之
寶藏辨碎英而物地操神芥以繼幽發水生光彭城炭出驚雷迸
響沛郡鑪開仿紅衣而演連珠營武庫而儲百鍊一穿三十札不
足喻其精二冶千萬斤不足方其富然後輪人造軌野廬治涂跨
谷騰川連轅接軫南從漢渚北達神京屬砥道平布金地滿千辟
萬灌四關六通儼奇肱之馭飛車軼造父之馳赤驥有事則萬里
指揮於堂閨以威四夸無事則百貨奔奏於郊衢以濟天下天財
地利誼公於穎上之遺書物曲人官法密於河間之古記蓋自咨
名黃帝見榮匪止於千山御氣充天生頤殆逾於億祀取鑑錄而

遺山岳執橐籥而眩陰陽其未發也懼非常之原其既成也藏不
竭之府非至仁勇孰與於斯斯乃公之所以宏遠畧也惟學可以
廣才惟器可以載道聖駕千里何如加調駁之功中流一壺豈若
講操舟之用公文衡稠疊經術修明益部搜珍荆山采璞廣受經
於石室中勸學於蘭陵自總兼圻益恢橫舍法律與祿書並習仰
準唐規經義與治事分齋俯遵湖學猶復震驚立武泮泮求方召
文閣門外之舌人羅漢護府中之譯長別國之方言次繫專家之
技巧成圖通三十六國語言非無朱育第五十九篇形勢不廢由
余外紀分篇早錄寫官之副旁行累畫重徵輜使之書務使墳埴
歸陶喬條就墨上之貫三才之理次之知四國之為外之充使絕
域之材內之得將萬人之選分曹奏技智效一官博物著書證明
諸子構眾材以扶大厦則雖危而不傾積跬步以赴修途則雖遠

而必至斯乃公之所以造就人才也加以清標絕俗高氣邁倫桐
枝無旁附之綠蓋改乏傳詔之謗撫綏僑舊惠決指困周給字枝
恩淪散廩敦崇名節推衿多顧及之英宏獎風流著燦盡文儒之
彥秦輸晉粟卹災靡聞於吐叮楚奪吳桑防患潛消於萌孽宣公
奏議之集懇到切深武侯教令之篇丁寧煩悉橫流邊幅齊心盡
於蘇黃萬象端倪共搵持於李杜國葵示模符周子之說蓮堂桂
思賢晚屈騷之頌橋梁梁之性無歉於真將山澤之儀常形於燕
處自夫莘莘逢板濟濟影纓襲其一長躬其一行皆足以希風往
哲騰實方來而公淵默雷聲海涵地負德業具而皇皇若弗及智
勇全而粥粥若無能宜乎帝賴羽儀世資鏡檢中興魁宿瞻國器
而心傾後進英髦望人宗而景附烏洛侯之貴胄紆轡輸忱被列
地之首臣贈環表敬太尉之節樓月上將佐樂其登臨西門之官

柳陰成父老愛其艾總於以彌綸天緯亭蓋化源為邦家之光協
神人之福經言令德受祿語云美意延年蓋之謂與然而時有
康屯勢有險易志有廣懼量有洪纖周頌存養晦之文春秋大復
讐之義殷憂所以啟聖盤錯所以別才公之古誼忠肝深謀偉畧
旋乾轉坤之力移山填海之誠或猶告而未行或旁皇而待發藪
澤於闕於寥廓泰山僅落其豪芒方且吹律回溫撮塵障決厲勁
翻以橫絕傲奮高掌以擘曉崖白石爛而志不灰元霜零而音不
輟規撫遠算指千禩以為期排斥羣疑亘萬世而不顧使夫疇人
子弟還復於門牆百氏條流朝宗於官禮然後披山經而械資負
廓王會而隸權扶挂弓若木之巔繅馬閭風之苑造五兵之悍族
投戈於南指之車衍八綫之巧人焚槩於東來之法文窮質復斟
三統以謁素王外攘內尊控九洲以環赤縣羣聖之微言大義懸

日月而不刊皇家之丕律上儀與天地而無極其神遠矣其願宏
矣天佑聖清錫公純嘏帝自強而不息臣日起而有功則竭生聚
教訓之謀二十年而方始襄樂利畏神之盛三百歲而未涯坐鸞
熊於帷幄之中自稱少齒授方叔以師干之試僉曰壯猶阿衡之
勳德胥匡壽逾夫大耋太保之迪克率俾數邁乎期頤今之綴緝
丹青宣揚宮徵鋪其亮伐將輟簡而方濟介其蕃釐雖厲毫而靡
究蠡莛之喻所不辭焉

浩授直議大夫藥田先生七十壽敘

黃紹第。傳錄本

細夫開元千秋之節始紀誕辰香山九老之圖迥張誼會輯皇
宋之禮志著於國史之編諷前明之壽文附於私家之集固知鐵
牙金齒權輿於焦氏之書絳樹玄芝演賢於葛仙之語其藻括
都凡也則沿傳以為體其輦綉固實員也則緣頌以述容然而
彫琢煇燿揆張職植刻繒折鉢類巫祝之諛詞傳於施朱近
俳優之戲術論文之士往。嚙。之若夫替笏恪。魏然浴下之
英紳帶委帽尉矣河汾之業如我師徐藥田先生者蓋能
膺平格之符協水貞之祝焉先生發德鵬衣表安北日執經
太學夙號奇童射策甲科旋登萬第參詞垣三侍從預
講帳之論思文宗御極之元年湘鄉相國以秩宗典禮之官
建廷延講書之儀當時論者謂雙日隻日之制重勳聖躬

二月八月之期虛循故事先生以具次誦道持節大臨衢堂禮
賢紆學□□漢平講藝之奏而蕭梁以儒術聞唐這集賢
之官而褚馬以師資重斯則旬甄帝學堂德履贊皇六首
三咸亟其閔識伊川三事之對宏其遠模已自桂宮世守家為問
禮之宗留者旁求始廣獻書之路磨齊盛世卓越而朝聖祖
天維多能綜百家之鈐鍵高宗歲餘典學堂羅四庫之縉紳凡
禮堂寓定之書皆天府珍藏之秘先生以泰誓後出未列學官
論衡雜成稀傳中土甄拔出隱句集樞止太初賜金衍漢河
間之儲聞皇資帛從牛祕書之言遂乃上略 臻九流物積
侍中解詰寓藏秘館之中交長謏文傳詔掖門之下國史輯
通徑之在於焉取村儒生凶稽古之禁益加嚮學協洽之歲
卷膺簡命分校禮閣前庶官泐公今令起李公皆先生所識

拔也夫貞臣榮士江都登藻於儒林進士得人榮澤 聲於
徑術前史兩嫩論者第之未有身任安元才無文正英雄入毅
技禁署之牧頌將相儲林闕特科之管樂狄果公之薦士俱
為名臣鄭從謹之曰年泣侮儒帥用能削平巨懸翊焚中
興於赤伏於雲表皆懸星象配元都於烟瀾俱畫丹青至今
箴輔蒞於次真相公之鎖鑰江淮州木懾舊鎮之威名既乃擁
節桂林衡文棟院出閭闔之中使觀采風謠察州郡之茂才
抽導出滯於時朝廷以楚粵毗連之境頗雜犛獯漢唐紀載
之書罕詳文物將使南方豪傑化言子之絃歌蜀郡諸生傳文
翁之教令尋膺特簡督茲邦迺 兵驛發交趾有
高燭流宮穴昆侖先生荀步韜鈴周持局綸塞手投郵攻
之榮艱械靡施 族存固死之心 固乃解猶夏稟子臥

故肆馬上之詩書設樂投壺留軍中之俎豆大祿級賜恩
 錫獨秀乃之崖太守歸裝清節其執樹林之心先生履王陽之
 畏道讀未暫之補也茲茲報政之期遂有陳情之請屬四
 郊多壘二洪猶波驛野囊書政夏延於暇地叢祠奠
 火六竊疫於井闕詔以先生督軍鄉兵捍衛之懷毀亦家
 行難楚令於之斐悅
 從軍賦伯山之至績 中之
 環視潭母志執郊外之干戈倚重殉義後師廣集會
 樓船上將之軍義旅龍驤繼東 尉之列事午還朝得
 領舊職先生以家室似偏之後長氣未蘇閩閩於之岸官邪
 吏警會孔桑計利駿前胎膏有張趙任刑滋章法令國家方
 勤求長隱於敎官方遂乃苟采風閑凍 奏故傳元捧簡壺
 閩生輝擊之序辜輿進書州郡拱處分之語猿因大吏曲庇

私人少卿憂國之心竟遭抑厭太傅去官之日跡極充禁豎出豈
 無推轂銀公彈冠契友或歟徐為中理復少翁之舊階略作百
 留奪李明之雅尚先生甫開朝命趣治歸裝慕陸子之優教泰
 夏庚之渴瀨初解甌明儒業師表人倫藉抽簪之餘閒紹編聯之
 盛事奉徑神花高密爭遊通德之門逸賢士於吳差遂成博學之
 市相如歸邦止焉之首乃通長孺居家鄉魯之風斯感至乃 名高義
 景景 邑禮顏虛 都境金華銀樸晞大匠之閑基丹桂洪
 枕法春風之肩校且夫燼虎之奏膏有井沈蘇醉之珍略分文
 質而先生之於伯元太僕公也陸氏東西之怪查威齊名何蒙大
 小之公吳羊潛隱學自二湖而法探伊洛之淵祭三鄭儒宗開
 承慕之別派多導源於家學乃接秀於鄉壘先生白首 懼
 黃 相勵講文節之經濟掌故俱諳葉水心之文章事功半

茂服膺蒙哲垂範後生豈直魯氏曰師傳申公之信學秦君
競爽號班史之名家昔嘗登賢踪寤門光榮梁曼高節賃融
分勞先生內助得人光盈分道七呈知命苟均蓬室之恩沁水
呈村大啓元閏之慶况乃邢侯家法六甄分圃戴氏鄉謨萬
錢三敵高陽題星玉昆金友之吳秀才成卬 水濠林之俊
行見桓君車白鑽門業於太常踟氏春秋賡序傳於京兆
其榮名也如彼其備福也如此允矣在三之鴻業欽五之祥祿矣
今者閏茂紀年 陽入律揆生申之初度延筭齊亥之曼露異

西潤孔壘

之杏蕃枝茂豫風清楊氏之槐奏女伎之

筆竿揄揚嘉樂凍太官之有傑交錯寶筵 等仗舍受

徑揭 向字茂村通字於孔李或切枝 於朱陳近依絳帳

之允與剛挺衣之刊以為琅書斗檢恢方士之寓言牙笏緋

衫演老人之榮貶徒工 襮類近浮夸是以艾削蔓詞鑽仰
景行竊徐幹著書之旨揚厲聲閑拔吳斯作頌之篇謳吟
今德高芝潔潔味甘菊水之泉鄭早於芳蔭茂 之木加洪
輝於儒肆東峭曜處士之星添慕詠於詞林 下缺

梓
羣

姻母黃太孀人七十壽敘黃伯第。傳錄本

吾邑項氏自宋以來世為著姓政陽生之經學千乘名家父
中子之儒風銅川舊族全於賢明仁智 藻中壘之篇貞靜
清閒服膺大家之誠施炳家乘勒為坤儀允矣於社之徽
羨鄉之徽典也頃生慈哇世承家學能之舊季茲為俊才稔知
文伯之賢多出敬姜之教敦祥之歲孟陬之月姻母黃孀人
壽七十矣爰因攬揆之辰深拳祝延之典徵文庸猥義不
敢辭余惟風俗之轉移視乎巨室基業之恆久繫乎家人
吾邑地狹人稠士女殷輳婢妾衣履頽縮員生之誠室慈慈
麻輒違邱採之教兒女婚嫁之慶會親串歲時之往來刻玉
之龍冢之金谷盛金之雀處之曲江於雄芝田奢靡相競
冷落十室九空孺人生長田家攻其食淡其歸我紫石先生

也家故素封弼屬門法削心約志辭隆徑穴推髻不裙孟光
隱居之服跣屨縹被蔣氏守約之風子孫守其清規里鄰化
其潔操滿而不溢孺人有焉越俗尚祿由未舊矣彈丸之
邑梵宇如林重以女冠榮惑惟聞鈿帛交錯紛集蒼翠誰之
園鑲釧捨施半助伊蒲之饌至乃女巫祀祝物牯鄉之淫祠
公姬狂言沿之西俗違禮傷化并此為尤孺人嚴以治家
貞以鎮俗子弟勸學祇傳宣文之經平覲屏蹤慎守黃門
之訓禍福之見士夫難之矧在女流尤為閎諫夫周妃速下
風詩詠其徽音馬后薦賢國史侮其明德自姆教浸失
妒種滋餘罕聞窈窕之篇輒構勃谿之累曷王太傅之愛
妾判館密營張晉州之郎君諸兄不識敬通一婢惻心
於莫年伯起二姬衡慮於身後家道坎輒多由於該孺

人善心為宥和氣致祥勿均蓬室之恩大啓玄閣之慶長
枕大被師姜肱同臥之風廣宅肥田割許武平分之產
高陽題里注為荀氏之英秀才茂村盡是杜家之俊樛
木之德報以貧斯固其宜也抑又閑之戶樞流水以勤而
獲全柏幹松筠以撲而能久孺人夙嬰羸疾自今先零
井臼親操豈有攝生之術鑿石弗御未閑卻老之丹卒
享年大年壯容弥茂固知和氣多壽勝菊水之甘泉美意
延年逾鍾山之靈藥含飴之樂景福未央已留第辛居
同里又序通家猿因離局之嫌未預濟堂之祝燭之南
極織室宵明照東瀛綵堂晝啓愧之銀鐙之獻敬紬
彤管之芬詮次母儀續張氏女箴之訓誦冷壽曲埒魯
侯延喜之章是為序

鄭母木太孺人六十壽敘 金海傳錄本

光緒戊子之夏四月二十五日為家慈誕辰諸同人捧觴登堂再拜致祝維時鄭君卓如與馬禮暉諸同人復謀為卓如尊堂木太孺人祝者而以其辭屬晷蓋孺人與家慈同年同月少於家慈者僅五日卓如既為家慈祝矣晦雖不文義不得辭然晦竊觀近來世俗祝壽之辭率皆不考其人之本末而惟張大其生平之淑德懿行以為榮非溢則誣而婦曠處深閨主中饋亦可稱道者少夫譽人而使人不敢受與毀人而使人不能受皆非君子仁恕待人之道也然則晦將何辭以壽太孺人哉無已請述晦之所見於太孺人者而質言之以代祝可乎晦之卜居居豐

湖也。非卓如家不數武。諸同人校論文。晝晨夕集。卓如家。晦無不與。太孺人見之。則喜。每至。啜茗。縱談。風夜泉湧。或列坐劇飲。大笑。歌呼。左右鄰舍。婦孩。皆愕眙。環視。而太孺人聞之。則益喜。晦與卓如。交甫數年。諸同人雖年輩皆後於晦。然皆與卓如少長。過從。其稱道太孺人者。未嘗異於晦之所見也。太孺人少時。方以勤苦。佐其君子。起家。酒食紡織之外。無餘議。其起家。未之不易。未嘗聞古賢母之訓。宜其於士人。親師。取友。陽闕。而不能入。乃其際同人。也不特與。幾微。厭惡之意。而且。激折。既憚之。誠發於中。而形於外者。久而不變。至老而弥然也。於戲。此足以壽太孺人。而為之。

辭矣。太孺人。女。夫。楊。若。志。林。韶。秀。過。婉。能。文。章。工。書。法。取。所。鍾。愛。晦。序。既。成。特。令。楊。若。書。之。以。貽。卓。如。而。奉。太。孺。人。太。孺。人。見。之。其。喜。當。何。如。也。晦。之。所以。為。太。孺。人。壽。者。卓。如。必。能。為。太。孺。人。詳。述。之。太。孺。人。聞。之。其。喜。又。當。何。如。也。是。為。敘。光。緒。二。十。有。四。年。余。月。韜。甫。金。晦。飲。

張竹卿先生六旬壽序 周拱藻

語云不為良相當為良醫儒者之學務為經世為天地立心為生命立命因儒者經世事也然此非可以虛氣承當空言領略要必定有其事矣方寸之間一念入微恢而廣之貫徹天地而生民之疾痛疴癢始與吾人沐感一體相關為之維持砥治以求盡其心而全其性命者沛然不容於自己所謂生生之仁此良知之說也以仁心濟仁術推仁則壽如吾邑名醫張君竹卿者可以徵矣君世居大旣廬為城東望族門稱通德代有聞人君昆仲三長鐵庵君次栗卿君奉齒均不相遠有薛家三鳳之自甫及冠而嚴君指館舍待奉老母必孝必慈

愛惟怡互相策勵以贊

成先志為鵠的從父祝延先生博雅多識長於文
著名花異卉呼朋嘯侶和章聯句詠諧間作日以爲
常陳塾廬先生友皆在座塾廬糊辦利濟醫阮令學
徒誦內經傷寒論爲程課按期散佈醫學論說栗卿
君爲高弟子諸練拳術闡發易經筋八段錦圖說刊
行於友君博覽醫籍彙括大旨與院中諸碩彥上下
其議論然注重在實驗不喜著書君兄弟行醫各
籍甚凡 疑難重症未有不來延聘無論貧富來迎則
不俟駕往診無有誤却且濡遲者蓋良知之發見固
如是栗卿享年不永未竟厥志而君行醫三十餘年
明效大驗不勝俚述就余所知者如治王某症午時
朦朧暴病昏迷不語有議進大順散者有議抵當湯

者君曰此中暑穢也輕可去寔服宣通肺氣藥開爽
復元陳溫頭痛身熱纏綿累日請醫以爲溫熱投辛
涼治上焦藥君察其舌苔雖黃微有白底乃寒濕也
處以草果茵陳四逆湯而瘡孫姓一孩六七歲既食
如常然忽不能言於病後得之君曰此症治法與生
而唾者有別爲之調治累月由半白一旬漸至學語
完全楊某年逾二十症類尋常風熱初診輒用歸薯
衆皆驚訝謂小恙耳何必峻補氣血旬日遍身發現
非斑非疹體倦神憊君往診曰痘也自洋苗盛行痘
科幾成絕學其時流行痘症類服清涼解毒藥而君
堅主甘溫如其方投之神識漸爽頤頰粒齋勻灌漿
湛足請符法定期限惟已痲稍緩君曰此無害也林

姓孩患白喉為之立方極效過半晡皆僵卧擲膏痰涎壅盛家人倉皇失措君曰邪機外向第熱服前藥必無他險果如其言吾鄉地瀕大海低潮暑濕病恒多卑濫之王宜於曠乾往往以芳香溼濕而獲效人咸曰張先生喜用燥藥及觀其治頂某症純以滋陰重劑增液退熱不但燥藥勿用而且一切氣分藥皆撤去乃祖素知醫嘆曰賢者不可測也鄉人信君脈識高認症確處方當其在津京滬漢東西洋醫院不瘳之症每不遠千里必歸而就醫於君治之無有不霍然者有似輕寔重之症偶一診視輒認認焉以為慮後皆不出所料其先見之明類如此君不侈陳醫效成績譬諸雲烟過眼為人之所不及知者甚夥

惜未能詳述之耳近年不出診而門診者踵相接篤病不能造門者每違人述狀乞方坐對其人使握管背擬藥品分兩五燕六雀關照周到熟極而流過大症則淡經營恆有構思一二小肯而始成一方者治症^{不疑}敵用藥如用兵絲毫不苟且謂非如是稟稟不足惟我心然精誠所至毫無隔闕病之情狀胥於言下求之言外得之以一問括望問切之用如風中鳥跡水上月痕不參以執滯捉摸非洞明臟腑陰陽之分邪正消長之機因勢生巧其能洞恒一方若是乎余觀歷史中如史記扁鵲為醫三國志華佗傳北齊書徐之才傳臚列治驗特為博瞻史家以醫為方技之一故他史叙別宕在事蹟有不甚詳者如

君之應手取效如響。然求之古名醫傳記中，可多觀耶。夫人之心思才力精神，忌氣專注於此一事，而舉天下萬有不齊之事，無一之足以擾其霧明。櫻其念慮，而且寢食以之性命以之，則其此一事者，自必絕類離群，登鋒造極，然而工拙利鈍，成敗得失之閒，相去有不可以道里計者。則其資質之不同，抑性有迥有不迥也。若穎悟絕倫，隨機應變，到處皆有心得，即游戲小事，無不勝人。一籌回憶二十年，前與君同在博塲，見其得梟則食不食，則止神閒意暇，如造父之御六轡在手，一塵不驚，宰肉解牛，維小可以見大王龍溪先生。其年任俠常在酒肆博塲，陽明先生亟欲一見不能也。日令門弟子六博投壺歌呼飲。

酒久之密遣一弟子矚之，隨至酒肆索與其賭。龍溪嘆曰：腐儒亦能博乎。曰：吾師門下，日如此。龍溪乃大驚，求見陽明一睹眉宇，便相契合。龍溪嘗言天下萬事必從虛明一竅中出，而從能得其精妙者，知握要則臭腐化為神奇，不知握要則神奇化為臭腐。古大儒推本良知之學，權衡在心，觸類旁通，頭頭是道。夫豈庸拘拘於繩墨間哉。龍溪精詣醫理，居家自藥，玄詮列其說曰：古之至人有息無睡，故曰響晦入冥，息耳無聞，目無見，心無思慮，真意綿綿，開闔自然，與虛空同體，故能與虛空同壽也。龍溪年登上壽，古之良医如孫阿孫思邈，成無己，但有餘歲，吳普，葛洪，戴思恭，俱八九十歲。亞乎此者，无愛僕難罄醫以作愛。

為懷天地萬物一體相連生生之機暢茂條達意
意於頤養攝衛之方節宣禁息人制寢興不處器服
飲膳藥餌無一不協其度有滋培而無廢代其享天
年也固宜况君與鉄庵晤歌一室之內緩帶躡履偃
仰自得白頭兄弟天倫至樂消閑品茗勝友如雲高
談娛心良霄苦其短離百年荏苒莫覺甚多結配夏
夫人出自名門深嫻禮法哲嗣稱竹昆仲日進月異
前程遠大夏曆十一月六日為君六旬孤慶之辰親
朋欣聚祝嘏境亨福裕對茲情景凡有餘歡矣顧余
則又敢有說醫術名流自漢今薈萃於張氏一姓著
錄森羅班班可考長沙張氏之聖者也潔古子和景岳
石頑醫之賢者也其他名噪一省者唐則有張洞張

文仲采則有張存惠張養正明則有張表賢張三錫
清則有張登張倬之數君子者俱著書立說嘉惠後
學康濟群生記云醫不二叔不服其藥采新安張擴
行醫京洛間授其弟子黃子熒授其子彥仁彥仁授
其子果果著醫說十卷今尚流傳稱竹昆仲妙年聰
敏自應守其家三叔之醫活人更多篋裘延澤或可
效李濂醫史之例振錄張氏名醫傳輯成一冊聊備
私家山史洵為醫林美譚名壽叔熙鴻號於無窮
施濟之功豈在良相下乎余所為兩觴之說在此若
夫叔倍慶祝之詞近乎鋪葉飾藻非君所尚固不欲
強雅人以聒耳也

楊小村先生暨許安人壽序

孔子曰知者樂水仁者樂山知者動仁者靜知者樂仁者壽論語一書學人幼而誦習之矣然壽根于靜之理論語雖發其端而未嘗詳其說也後世之學黃老者既本冲澹無為之旨以養生而又通之以治國夫治國之道因時而變堯舜之道禹湯已變之禹湯之道文武又變之生乎後政而欲以上古之法治今之天下奔勢似萬不能通然得其道者則亦無不可通無他得靜之真而已得靜之真則得仁矣斯義也吾友楊君小村知之獨深君故世家子而娶吾族妹又以女嫁吾妻之兄子故吾與君有舊相持之歡吾從弟申甫謀與君課子君課之數年學堂之業大進故申甫屢稱君之善教當清室未改科舉之時孫君鶴廟黃君鮮庵與申甫謀設學計館申甫引君佐其事料舉

既改地方設普通學堂中學較高等小學校經營建築君皆任
其勞庶子拳匪逃邑設籌防局王嘯丈人總其事君為主會
計其後君名益盛邑人之得仕者皆具羹幣迎君而君顧夷然
命人繪象畧曰靜觀圖以見意邑之能詩者題詠殆徧君嘗持
以示余余迺知君得靜之真也大學曰知止而後有定定而後
能靜靜而後能安此言致知之效也蓋公曰治道貴清靜而民
自定此言治民之效也今茲之人祇知隱逸之為靜而不知治
道之真靜祇知與物無競與友無爭之為靜而不知平萬事之
爭息萬物之囂始為真靜君有治事之才足以鎮萬物而使之
靜而沈淪不得顯于友彼心之不靜者或干謁津要或營求舉
舉白晝餽遺不必待暮夜也強力毆爭不勞請托也抽換淫改
不必營推薦也千形萬狀不可殫述其弊生於不靜而當道者

無術以息之君之以此名其圖也蓋亦有針砭時俗之意余綴
辭紙尾忽忽爾數年矣今年立秋後六日為君六十懸弧之辰
續娶之許安人年亦五十矣嘯牧大令為作壽言文字詳密以
稱祝人多姓名溢于篇幅之外復以徵余余曰昔祭中即為人
作第二碑不以為瀆而張濂卿之祝曾侯前後有序文二篇曷
勿援斯例再勻之大令家有難色既辭之不獲命乃復申前意
以為祝曰仁靜仁壽理誠相因氣誠相感然瞻觀二千餘年之
史籍未必泉石之流悉繇耆耆指紳之士遂無遐齡則所謂靜
者以心論不以迹論心苟靜雖如諸葛公之食少事繁不必顧
慮吾尤願揚君異日捷起齊梁以任事之當為之事將見識益
定神益固耄耋期頤不求而至吾長援君五六歲節氣鞭為先
導焉揚君其許我乎抑請我乎若夫子女支屬大令序已言之

蘇不復列

相愚兼頌方精謹撰



A large rectangular area containing multiple columns of faint, vertical text, possibly bleed-through from the reverse side of the page. The text is mostly illegible due to fading.

溫州府

溫州市圖書館